

GRUPACIJA POSLODAVACA SBK/KSB

Komenatri i prijedlozi – napisani plavom bojom.:

Član 9

Porezno nepriznatim rashodima smatraju se:

- a) troškovi postupka prinudne naplate poreza i drugih dugovanja koji se plaćaju i obračunavaju prema poreznoj administraciji;
- b) sudski troškovi vezani za sporove oko javnih prihoda bilo da ih je porezni obveznik stvarno snosio ili da su nadoknađeni;
- c) novčane kazne koje izriče nadležni organ, obračunati i plaćeni porez na dobit;
- d) porez po odbitku koji je obračunat i plaćen na vlastiti teret isplatioca;
- e) izdaci političkim strankama;
- f) 70% svih rashoda ili troškova koji su nastali u svrhu reprezentacije za klijente ili za poreznog obveznika;
- g) raspodjela dobiti i svaka raspodjela iz kapitala;
- h) povećanje rezervi koje nisu predviđene ili su izvršene iznad dozvoljenog iznosa propisanim ovim zakonom;
- i) rashodi koji se ne mogu povezati sa ostvarivanjem dobiti;
- j) finansijski rashodi koji su obračunati ili drugačije nastali u vezi s kreditima/pozajmicama, a koji se odnose na onaj dio kredita/pozajmice kojim ukupan dug poreznog obveznika prelazi četverostruki iznos upisanog kapitala u sudski registar tog poreznog obveznika. Ovo pravilo se ne primjenjuje na finansijske institucije.

Iz ovoga člana predlažem da se izbace prve 4 stavke (a, b, c i d).

U porezno priznate rashode treba priznati sve troškove koje privredna društva imaju, pa i one koji se odnose na takse, poreze i sudske troškove svih vrsta.

Postoje drugi mehanizmi koji destimulišu privredna društva da prave prekršaje.

Član 10.

(1) Vrijednost troškova koji se odnose na poluproizvode, gotove proizvode i nedovršenu proizvodnju priznaju se u iznosima iskazanim u bilansu uspjeha primjenom metode prosječne cijene.

(2) Vrijednost zaliha iz stava (1) ovog člana nikada ne može biti veća od njihove tržišne cijene na dan bilansa.

Stav 2. Treba izbaciti.

Proizvodni ciklus može biti duži od ciklusa iskazivanja poreznog bilansa a i vrijednosti u procesu proizvodnje obračunate po prosječnim cijenama mogu biti veće od trenutnih vrijednosti na dan bilansa vezano za uslove tržišta pogotovo u periodima nestabilnog tržišta, kriza i poremećaja u kursu stranih valuta.

Član 12.

.....

(3) Rezerve koje se formiraju za buduće troškove u garantnim rokovima, mogu iznositi najviše do 2 procenta godišnjeg prometa poreznog obveznika koji se odnosi na proizvode za koje se daje garancija u poreznom periodu. Ako rezerva prelazi dopušteni iznos, za tu razliku povećava se porezna osnovica u tom poreznom periodu.

Procenat od 2% treba povećati na najmanje 10%. Ovdje rezervisanja ako uđu u jednu godinu moraju se pravdati u narednoj tako da će svi ti troškovi kad tad doći na naplatu poreza po tom osnovu. A postoji realnost da garancije mogu biti 10% od prihoda.

Član 15.

(1) Na teret rashoda u poreznom bilansu priznaju se rashodi nastali po osnovu otpisa sumnjivih i spornih potraživanja na način definiran ovim članom.

(2) Potraživanja se smatraju sumnjivim i spornim u smislu stava (1) ovog člana ako nisu naplaćena u roku 12 mjeseci od datuma dospijeca i ako je obveznik poduzeo bar jednu od mjera za naplatu tih potraživanja, i to:

- a) utužio takvo potraživanje ili
- b) podnio zahtjev za izvršenje nadležnom sudu ili
- c) ako je pokrenut postupak prinudne naplate ili
- d) ako su ta potraživanja prijavljena u stečajnom postupku nad dužnikom ili
- e) ako je postignut sporazum sa dužnikom u postupku likvidacije ili stečaja.

Prijedlog da se rok iz stava 2. Ovog člana poverća na 24 mjeseca.

Takođe da se pod mjerama iz stava 2. Tačke a) podrazumjevaju i opomene podnesene od povjerioca kao i sporazum o odgođenom plaćanju.

Član 16.

(1) Kod utvrđivanja porezne osnovice, priznaje se obračunata amortizacija primjenom proporcionalne metode amortizacija na dugotrajnu imovinu u iznosima propisanim ovim članom.

(2) Nabavna vrijednost dugotrajne imovine amortizira se po sljedećim stopama:

- a) zgrade, postrojenja po stopi 3% ,
- b) putevi, komunalni objekti, željeznica po stopi 10% ,
- c) oprema, vozila, strojevi po stopi 15%,
- d) oprema za vodoprivredne, vodovodne i kanalizacijske sisteme po stopi 15%,
- e) hardver i softver i oprema za zaštitu okoliša - 33,3%
- f) uzgoj usjeva po stopi 15%,
- g) stočarstvo po stopi 40% i
- h) nematerijalna imovina po stopi 20%.

(3) Rashodi amortizacije se mogu priznati u porezne svrhe samo kada je vlastita dugotrajna imovina u upotrebi i kojom se obavlja djelatnost od strane poreznog obveznika.

(4) Ukoliko je nabavna cijena imovine manja od 1.000 KM, njena nabavna cijena može se u cijelosti odbiti u godini u kojoj je ta imovina nabavljena.

(5) Za dugotrajnu imovinu nakon što je u cijelosti otpisana, dakle koja je već jednom amortizovana ali se i dalje vodi u evidencijama do momenta otuđenja ili uništavanja, ne može se ponovo vršiti njena procjena i na istu obračunavati amortizacija i priznati u porezne svrhe.

Predlažem da se stav 5. izmjeni i da se vrijednost amortizovanih sredstva koja su u upotrebi može procijeniti od strane sudskog vještaka i da se i dalje može vršiti amortizacija.

Upravo ova amortizacija bi bila dio troškova koji bi se mogao koristiti za povećano investiciono održavanje takvih sredstava, a u cilju postizanja zadovoljavajuće konkurentnosti na tržištu.

Član 30.

(1) Porezni obveznik ima pravo na porezno priznati rashod u visini dvostrukog iznosa bruto plaće isplaćene novoprimljenim zaposlenima ukoliko ispunjava sve navedene uslove, i to:

- a) trajanje ugovora o radu mora biti najmanje na period od 12 mjeseci;
- b) broj ugovornih radnih sati sedmično mora biti iznad 40 i
- c) novoprimljeni zaposleni nije bio zaposlen kod poreznog obveznika ili povezanog lica u prethodnih pet godina.

(2) Porezni obveznik ima pravo da odbije od porezne osnovice troškove stipendija učenicima i studentima koji nisu povezani s poreznim obveznikom i na redovnom su školovanju, do iznosa koji je oslobođen poreza prema propisima o porezu na dohodak.

Stav 2. Treba da se odnosi na sve stipendiste.

Treba ograničiti neoporezvi iznos stipendije prema nivoima školovanja od srednje škole do doktorskih studija npr. srednja škola 20% od prosjeka FBiH, Fakultet 50% prosjeka FBiH i doktorski studij 100% prosjeka FBiH.

Član 53.

(1) Danom početka primjene ovoga zakona prestaje da važi Zakon o porezu na dobit ("Službene novine Federacije BiH", br. 97/07, 14/08 i 39/09), izuzev odredaba koje se odnose na porezno oslobađanje iz članka 32. koji se odnosi na investicije i to do isteka perioda od pet godina i odredaba o prijenosu poreznog gubitka iz člana 24. koji se može prenositi pet narednih godina od godine nastanka, i primjenjivat će se do isteka pet godina, odnosno perioda za koji su se mogli koristiti.

(2) Porezni obveznik je dužan izvršiti oprihodovanje rezervi koje su zatečene na dan 31.12.2014. godine u bilansu stanja, te ih iskazati kao oporezivi prihod u 2015. godini.

Stav 2. Treba razmotriti sa stanovišta što su rezerve već ranije oporezovanje i formirane su iz kapitala i zato ovo treba pojasniti na koje se rezerve misli da ne dođe do dvostrukog oporezivanja.